



[www.BibleForChildren.org](http://www.BibleForChildren.org)

San Juan 14



Misach e\_ch'ol chi c'oxlac. Chepab li Dios ut chinepab  
ajcui' lain. Sa' rochoch lin Yucua' nabal li na'ajej cuan.  
Cui ta mac'a' li na'ajej, ac xinye raj ere. Lain xic cue  
chixcauresinquil ena'aj. Nak ac xyalo' le\_n'a'aj,  
tinchalk cui'chic ut texinc'am cuiq'uin re nak bar  
cuankin lain, aran  
ajcui' cuankex  
laex.



Lain laj Juan, le\_rech aj pa\_banelil. Lain xintz'akon  
ajcui' riq'uin xcuybal li raylal sa' xc'aba' li  
Jesucristo e\_rochben la\_ex li sic'bil e\_ru


xban li Ka\_cua'. Lain cuanquin  
arin sa' li na'ajej Patmos



li sutsu riq'uin ha'  
xban nak xinch'olob  
xyalal li ratin li Dios  
ut xinye resil li  
Jesucristo.



Ut sa' li visión li quixc'utbesi chicuu li Dios riq'uin  
xcuanquil li Santil Musik'ej, quicuil sa' choxa jun li  
lok'laj c'ojaribal. Ut quicuil nak cuan jun c'ojc'o sa' li  
c'ojaribal a'an.



Ut quicuabi ajcui' nak que'atinac chixjunil li c'a'ak re  
ru quiyo'obtesic xban li Dios, jo' li cuanqueb sa'  
choxa, jo' li cuanqueb sa'  
ruchich'och', jo' ajcui' li cuanqueb  
sa' li palau, jo' queb ajcui' li  
cuanqueb sa' xna'ajeb li camenak.




Chixjunileb li que'yo'obtesic xban li Dios que'xye: A' taxak li Dios li c'ojc'o sa' xc'ojaribal jo' ajcui' li Jun li chanchan carner, chilok'onik ut chiq'uehek' xlok'al. Chiq'uehek' xcuanquil ut chinimak ru chi junelic k'e cutan.



Ut quicuil nak yo\_chak chi cubec sa' choxa cuan cui' li Dios li santil tenamit, li Ac' Jerusalén. C'ajo' xch'ina'usal. Chanchan jun li ixakilbej tikibanbil chi chabil xban nak oc re chi sumlac. Ut quicuabi jun yo\_chak chi atinac cuan cui' li c'ojaribal ut quixye chi cau xyab xcux:

—Anakcuan tacuank li Dios riq'uineb li cristian. A'anakeb li ralal xc'ajol. Li Dios tacuank riq'uineb. A'anak lix Dioseb.



Ut li ángel quixc'ut chicuu li nima' li naq'uehoc yu'am  
chi junelic. Li ha' sak sak ru. Chanchan lem. Na-el  
chak cuan cui' lix lok'laj c'ojaribaḷ li Dios ut li Jun li  
chanchan carner.



Maç'a' li sak'e aran ut maç'a' li po xban nak li Dios  
cuan aran ut lix lok'al li Dios nacutanobresin re. Ut lix  
lok'al li Jun li chanchan carner nacutanobresin re li  
tenamit.




Li ani cuanqueb xmac inc'a' taruk te'oc aran. Eb li neque'xbanu mausilal chi moco li neque'tic'ti'ic, te'oc sa' li tenamit a'an. Li ani te'oc aran, ca'aj cui' li tz'ibanbileb xc'aba' sa' lix hu li Jun li chanchan carner, li hu li tz'ibanbil cui' xc'aba'eb li cuanqueb xyu'am chi junelic.



Maç'a'ak chic rahil ch'olej. Maç'a'ak chic li camc chi moco li yabac chi moco li yot'ec', chi moco li raylal xban nak chixjunil li c'a'ak re ru a'an, ac xelaje'nume'.—




Aran maç'a'ak chic mausilal. Lix lok'laj c'ojaribal li Dios taçuank aran ut taçuank ajcui' lix lok'laj c'ojaribal li Jun li chanchan carner. Ut eb laj c'anjel chiru te'lok'onink re. Eb a'an junelic yokeb chirilbal ru ut tz'ibanbilak lix c'aba' sa' xpequemeb.



Ut que'cuil chixjunileb li camenak, jo' nink jo' coc',  
xakxoqueb chiru li chunchu sa' li c'ojariba. Ut  
que'teli li hu li tz'ibanbil cui' lix yehom xbanuhomeb.  
Ut quitehe' ajcui' li hu li tz'ibanbil cui' xc'aba'eb li  
cuanqueb xyu'am chi junelic. Ut quirake'  
atin sa' xbeneb li camenak a' yal chanru  
lix yehom xbanuhomeb jo' tz'ibanbil  
retalil sa' li hu. Ut li ani inc'a'  
quita'e' xc'aba'eb sa'  
li hu li tz'ibanbil cui'  
xc'aba'eb li cuanqueb  
xyu'am chi junelic,  
a'aneb li que'cute' sa' li  
xam li chanchan palau.



Li Santil Musik'ej ut li ixakilbej neque'xye: —  
Chalkex.— Li ani taabink re li atin a'in, chixyehak  
ajcui' —chalkex.— Li ani taraj ruc'bal li ha', li retalil li  
junelic yu'am, chichalk chi uc'ac chi matan.



Li Dios c'ajo' nak quixraheb li  
cuanqueb sa' ruchich'och' nak  
quixq'ue li Ralal junaj chi ribil re  
nak chixjunileb li ani te'pabank re  
inc'a' te'sachk. Tacuank ban  
xyu'ameb chi junelic.



Romanos 3:23

Chixjunileb xe' macob ut inc' a' neque' xc' ul li lok' al li  
naxq' ue li Dios.

Romanos 6:23

Lix tojbal rix li mac, a' an li camc. Aban li matan naxq' ue  
ke li Dios, a' an li junelic yu' am sa' xc' aba' li Kacua'  
Jesucristo laj Colol ke.

Hebreos 9:27

Chixjunil li tenamit jun sut ajcui' te' camk ut li Kacua'  
Dios tarakok atin sa' xbeneb.



## Efesios 2:8,9

Yal nak xepab li Jesucristo ut colbilex chic. Abanan yal xban rusilal li Dios nak colbilex. Ma<sub>c</sub>ua' xban eyehom e<sub>b</sub>anuhom. Yal e<sub>m</sub>atan ban xban li Dios. Ma<sub>a</sub>ni chixnimobresi rib xban nak ma<sub>c</sub>ua' xban eyehom e<sub>b</sub>anuhom nak colbilex.

## Romanos 10:9,10

Cui riq'uin xtz' u<sub>m</sub>al a<sub>c</sub>ue ta<sub>c</sub>h' olob xyalal nak li Jesús a'an li Cristo li Ralal li Dios, ut cui tapab chi anchal a<sub>c</sub>h' o<sub>l</sub> nak li Dios quicuaclesin cui' chic re chi yo'yo sa' xyankeb li camenak, tatcolek'.

Li ani naxpab li Cristo chi anchal xch' o<sub>l</sub> ut naxch' olob xyalal riq'uin xtz' u<sub>m</sub>al re, a'an natico' xch' o<sub>l</sub> chiru li Dios ut ta<sub>c</sub>colek'.



## San Juan 3:16,17

Li Dios c'ajo' nak quixraheb li cuanqueb sa' ruchich' och' nak quixq'ue li Ralal junaj chi ribil re nak chixjunileb li ani te' pabank re inc'a' te' sachk. Tacuank ban xyu'ameb chi junelic. Li Dios inc'a' quixtakla chak li Ralal sa' ruchich' och' chixtenebanquil li tojba mac sa' xbeneb li cuanqueb sa' ruchich' och'. Quixtakla ban chak re nak sa' xc'aba' a'an te' colek'.

## 1 San Juan 5:11-13

Ut a'an a'in li naxch' olob xyalal nak li Dios quixq'ue ke li yu'am chi junelic. Ut li yu'am a'in natauman riq'uin li Ralal. Yalak ani napaban re li Ralal li Dios, a'an cuan xyu'am chi junelic. Ut li ani inc'a' napaban re li Ralal li Dios, mac'a' lix yu'am chi junelic.

Xintz'iba a'in chok' ere laex li nequexpaban re li Ralal li Dios re nak laex tenau nak cuan eyu'am chi junelic.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Kekchi Bible (kek) © 2019, Wycliffe Bible Translators.  
All rights reserved.

<https://www.bible.com/bible/628/GEN.1.KEK>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

